

Na osnovu Ugovora između Ureda za koordinaciju projekata - PCU Federalnog ministarstva poljoprivrede, vodoprivrede i šumarstva i Asocijacije za ekonomski razvoj REDAH Mostar o implementaciji programa sufinansiranja zapošljavanja mladih osoba, pripravnika radi sticanja stručnog iskustva, koji je dio projekta razvoja ruralnih poduzeća i poljoprivrede (READP), Asocijacija za ekonomski razvoj REDAH Mostar objavljuje:

JAVNI POZIV
za prijave kandidata / pripravnika za prvo zapošljavanje u struci

Javni poziv za podršku u obavljanju pripravnčkog staža sa VSS

I Uvod

Pozivom je predviđeno zapošljavanje pripravnika, nezaposlenih osoba sa završenom VSS svih zanimanja odnosno struka koje su u skladu sa trenutnim potrebama ali i djelokrugom rada Asocijacije za ekonomski razvoj REDAH.

Rad u našoj organizaciji je odlična prilika za visokoškolce da:

- razviju svoje organizacione vještine i steknu nova znanja i iskustva u pripremi, pisanju i implementiranju raznih vrsta projekata;
- osjete šta je radni interkulturalni ambijent, poslovanje u nevladinom sektoru, administrativna korespondencija;
- učestvuju u organizovanju konferencija, seminara, radionica, performansi, studijskih posjeta i drugih javnih događaja;
- uspostave kontakte sa predstavnicima privatnog sektora, nevladinih organizacija, javnih institucija, medija, međunarodnih organizacija itd.

REDAH je nevladina, neprofitna i neovisna asocijacija koju su osnovali akteri regionalnog gospodarskog razvoja u svrhu promicanja, koordinacije, planiranja i provedbe razvojnih aktivnosti u regiji. Rad REDAH-a zasnovan je na partnerstvu između javnog, privatnog i nevladinog sektora.

U okviru svoje misije i definiranih ciljeva, REDAH provodi različite aktivnosti kako bi ispunio svoje prioritete definirane u Statutu. Sve aktivnosti temelje se na prethodno napravljenim analizama i utvrđenim potrebama, a provode se kroz sljedeće grupe aktivnosti:

- Suradnja s lokalnim zajednicama (općine, gradovi i županije)
- Ruralni razvoj i poljoprivreda
- Turizam
- Poduzetništvo
- Edukacije

II Predmet javnog poziva

Cilj javnog poziva je pružiti podršku za stručno osposobljavanje, odnosno sticanje odgovarajućeg radnog iskustva, čime će se povećati njihova konkurentnost na tržištu rada, te stvoriti bolji uslovi za stalno zapošljavanje, a sve u cilju zadržavanja mladih obrazovanih kadrova u Bosni i Hercegovini.

U cilju podrške radnoj integraciji nezaposlenih osoba, pozivaju se nezaposlene osobe VSS da se prijave za učešće u programu obavljanja pripravničkog staža.

Pripravnik će obavljati poslove u svrhu stručnog osposobljavanja za samostalan rad u okviru svoje struke i sticanja radnog iskustva u trajanju do jedne (1) godine.

III Uslovi za prijem

Pravo na učešće imaju kandidati koji ispunjavaju sljedeće uslove:

- Da je državljanin BiH,
- Da je mlađi od 35 godina,
- Da ima univerzitetsku diplomu - VSS/VII. stepen stručne spreme ili visoko obrazovanje najmanje prvog stepena koje se vrednuje sa 180 ECTS bodova odgovarajuće struke,
- Da se vodi na evidenciji Službe za zapošljavanje.

REDAH će nakon prijema prijave obaviti administrativnu provjeru kako bi provjerio da li su kandidati dostavili tražene dokaze, navedene iznad.

Nakon toga, za kandidate prijavljene na poziv, a čije su prijave uredne i koji ispunjavaju formalne uvjete, kreirat će se lista prijavljenih prema podacima iz motivacijskog pisma, podatka CV te će REDAH pozvati na intervju kandidate koji uđu u uži izbor za selekciju u sklopu kojeg će biti i provjera i poznavanja engleskog jezika.

Putem intervjua REDAH će obaviti selekciju kandidata.

VI Dokumentacija potrebna za prijavu

Uz prijavi obrazac potrebno je priložiti sljedeću dokumentaciju (kopije):

- Motivacijsko pismo
- Diploma
- Izjava pripravnika da nije imao prethodno iskustvo u struci
- Dokaz – potvrda o statusu nezaposlenosti na evidencijama službi za zapošljavanje sa područja Hercegovine
- CV (biografija)
- Potvrda o prebivalištu
- Kopija vozačke dozvole B kategorije

V Način i rok za podnošenje prijave

Aplikacijski obrazac sa obveznim dokumentima mora biti podnesen putem e-maila na adresu info@redah.ba sa naznakom „Prijava za pripravnika“.

Samo potpune prijave bit će uzete u razmatranje. **Rok za podnošenje prijave je 16.08.2024. u 15:00.**

Kontakt podaci za pitanja:

Asocijacija za ekonomski razvoj REDAH Mostar

Himzo Tule, e-mail: tule@redah.ba , mobitel 063 295 767.